



## Aðalfundur Körfuknattleiksdeildar Vestra

**haldinn í Vallarhúsinu, Torfnesi á Ísafirði þriðjudaginn 2. júní 2020 kl. 18.00.**

Á dagskrá fundarins eru hefðbundin aðalfundarstörf skv. reglugerð deildarinnar.

### **1. Fundarsetning, kosning fundarstjóra og fundarritara.**

Ingólfur Þorleifsson, formaður, setti fundinn og lagði til að Óðinn Gestsson yrði kjörinn fundarstjóri og Ingi Björn Guðnason fundarritari.

Samþykkt með lófaklappi.

Óðinn tók við fundarstjórn og kannaði hvort athugasemdir væru gerðar við boðun og lögmæti fundarins. Engar athugasemdir voru gerðar við boðunina.

### **2. Skýrsla stjórnar fyrir síðastliðið starfsár.**

Ingólfur Þorleifsson, formaður, gerði grein fyrir skýrslu stjórnar og fór yfir starfsemi meistaraflokks félagsins á starfsárinu sem er að líða.

#### **Skýrsla barna- og unglingaráðs.**

Birna Lárusdóttir, formaður barna- og unglingaráðs, kynnti skýrslu ráðsins og gerði grein fyrir starfi þess.

### **3. Lagðir fram endurskoðaðir ársreikningar félagsins.**

Harpa Guðmundsdóttir, gjaldkeri, lagði fram endurskoðaða ársreikninga og fór yfir helstu lykiltölur í rekstri deildarinnar undanfarið ár. Einnig lagði hún fram fjárhagsáætlun deildarinnar fyrir árið 2020. Harpa svarði spurningum fundargesta úr sætum á meðan á kynningunni stóð.

Fundarstjóri opnaði fyrir umræður um skýrslur og ársreikninga. Enginn kvaddi sér hljóðs.

Fundarstjóri bar upp til samþykkis endurskoðaða ársreikninga félagsins árið 2019 og fjárhagsáætlun deildarinnar fyrir árið 2020. Samþykktir samhljóða.

### **4. Reglugerðarbreytingar**

Engar reglugerðarbreytingar liggja fyrir fundinum.

### **5. Kosning formanns til eins árs**

Birna Lárusdóttir, Helga Salóme Ingimarsdóttir og Ingi Björn Guðnason lögðu fram tillögu um Ingólf Þorleifsson sem formann. Aðrar tillögur bárust ekki. Samþykkt með lófaklappi. Ingólfur Þorleifsson er því réttkjörinn formaður körfuknattleiksdeildar Vestra til eins árs.

### **6. Kosning tveggja stjórnarmanna til tveggja ára.**

Ingólfur Þorleifsson, Birna Lárusdóttir og Helga Salóme Ingimarsdóttir báru upp tillögu um að Ingi Björn Guðnason og Harpa Guðmundsdóttir yrðu kosin í stjórn til tveggja ára. Aðrar tillögur bárust ekki. Samþykkt með lófaklappi.



## 7. Kosning þriggja varamanna í stjórn til eins árs.

Ingólfur Þorleifsson, Birna Lárusdóttir og Helga Salóme Ingimarsdóttir lögðu fram tillögu um þrjá varamenn, þeir eru Baldur Smári Einarsson, Jóhann Bæring Gunnarsson og Stígur Berg Sóphusson. Aðrar tillögur bárust ekki. Samþykkt með lófaklappi.

## 8. Önnur mál

Hjalti Karlsson, bað um orðið.

Hjalti óskaði Körfuknattleiksdeild Vestra til hamingju með gott starfsár. Hann kom inn á málefni sem Birna nefndi í sinni skýrslu um anddyri íþróttahússins sem til stóð að innrétta upp á nýtt til að skapa aðstöðu fyrir börn og unglinga sem eru að bíða eftir æfingum eða frístundarútu. Það mál er að verða sorglegt, segir Hjalti, það eru til peningar í bæjarkerfinu en stoppar einhversstaðar. Varaðndi íþróttaskóla HSV sem Birna kom einnig inn á í sinni skýrslu. Þar er greiningarvinna í gangi sem m.a. er framkvæmd af tveimur meistaranemum við Háskólann í Reykjavík. Hjalti á von á því að sú vinna skili sér í beturumbótum á íþróttaskólanum, þótt strik hafi verið sett í vegna COVID-19.

Guðfinna Hreiðarsdóttir kvaddi sér hljóðs.

Guðfinna lýsir yfir ánægju með það að meistaraflokkur kvenna verði stofnaður á þessu ári. Hún nefndi að þegar hún hóf aðkomu að stjórn árið 2013 hafi verið sett nokkur mælanleg markmið sem meðal annars fólust í sér að fjölga stelpum. Henni finnst að nú sé komin uppskerutími þessara markmiða sem hafa í stórum dráttum náðst.

Vignir Örn Pálsson kvaddi sér hljóðs. Hann þakkaði fyrir góðan fund og óskaði eftir því að gerast félagi í Körfuknattleiksdeild Vestra. Skíðafélagið var fljótt að gera hann að féлага þegar hann flutti til Ísafjarðar en samkvæmt Felix er hann ekki skráður í Körfuknattleiksdeild Vestra. Vill hann gjarnan bæta úr því enda verið virkur í starfi deildarinnar.

Birna Lárusdóttir kvaddi sér hljóðs.

Hún þakkaði Vigni fyrir þessa ábendingu. Það hefur oft verið rætt að gera gangskör í þessum málum. Bæði að fjölga fullorðnum félagsmönnum og eins að passa að yngri iðkenndur séu skráðir.

Fleiri tóku ekki til máls undir liðnum önnur mál.

## 9. Fundargerð upplesin

Fundarstjóri óskaði eftir heimild frá fundinum til að fundarritari og fundarstjóri gangi frá fundargerð og verður hún birt á heimasíðu Körfuknattleiksdeildar Vestra. Samþykkt með lófaklappi.

Fundarstjóri gaf nýkjörnum formanni orðið. Hann þakkaði fráfarandi stjórnarfólki fyrir sitt framlag og bauð nýkjörna stjórnarmenn velkomna í starfið. Þá kom hann inn á myndun stjórnar og hve erfitt getur oft verið að fá fólk að starfinu. Það gerist ekkert nema félagarnir gefi sig fram í þessi störf. Að því búnu sleit hann fundinum.

**Fleira var ekki gert og fundi slitið kl. 18:51.**